

বাংলাদেশী বংশোদ্ধৃত যুক্তরাষ্ট্রের নিউ জার্সি-র অ্যাটর্নি জেনারেল বাংলাদেশ সফরে আসছেন

ঢাকা, ১০ই আগস্ট -- যুক্তরাষ্ট্রের নিউ জার্সি অঙ্গরাজ্যের ডেপুটি অ্যাটর্নি জেনারেল দেওয়ান শারমিন আরেফিন আগামী ১৫ থেকে ২০শে আগস্ট বাংলাদেশ সফরে আসছেন। তিনি সম্প্রতি এই পদে শপথ গ্রহণ করেছেন। যুক্তরাষ্ট্র পররাষ্ট্র দফতরের “স্পিকার এক্সচেঞ্চ” প্রেস্টামের অংশ হিসেবে তিনি এই সফর করছেন। সরকারের জবাবদিহিতা, স্বচ্ছ বিচার ব্যবস্থা, আইনের শাসন, ধর্মীয় সহিষ্ণুতা, এবং যুক্তরাষ্ট্র সরকারে নারী ও সংখ্যালঘুদের ভূমিকা নিয়ে ঢাকার বিভিন্ন স্থানে তিনি বক্তব্য রাখবেন।

আরেফিন ১৯৭৭ সালে বাংলাদেশে জন্ম গ্রহণ করেন। তিনি ২০০২ সালে আইনে ডষ্ট্রিট (জেডি) ডিগ্রি লাভ করেন নিউ জার্সির নেওয়াকের সিটন হল ইউনিভার্সিটি স্কুল অব ল থেকে। নিউ জার্সির সবচাইতে বিখ্যাত আইন প্রতিষ্ঠানগুলোর মধ্যে অন্যতম র্যাডম অ্যান্ড ওয়েটার-এ একজন সহযোগী হিসেবে কাজ করেছেন মিজ আরেফিন। তিনি নিউ জার্সির সুপারিয়র কোর্টে বিচারপতি অ্যান আর. বালেট-এর একজন জুডিশিয়াল ক্লার্ক হিসেবেও কাজ করেন।

নিজের কর্মজীবন সম্পর্কে বলতে হিয়ে মিজ আরেফিন বলেন, “আপনার পথে কোন বাধা আসতে দেবেন না। আমার জীবনের তিনটি ‘পি’ হচ্ছে প্রেয়ার (প্রার্থনা), পার্সিভারেন্স (অধ্যবসায়), এবং পেশেন্স (ধৈর্য)। আপনার স্বপ্ন এবং আপনার লক্ষ্যের প্রতি নিবেদিত থাকুন। আমি এভাবেই কাজ করেছি।”

আগামী ১৪ই আগস্ট বিকেল ৩টায় আমেরিকান সেন্টারে আয়োজিত ‘আমেরিকান থার্সেড’ অনুষ্ঠানে তিনি বক্তব্য রাখবেন। এই অনুষ্ঠানটি জনসাধারণের জন্য উন্মুক্ত। এ সম্পর্কে জানতে হলে বা আপনার নাম রেজিস্ট্রি করতে চাইলে অনুগ্রহ করে যুক্তরাষ্ট্র দুতাবাসের পার্টিলক অ্যাফেয়ার্স সেন্টারে ৮৮১-৩৪৪১ নম্বরে ফোন করে যোগাযোগ করতে অনুরোধ করা হচ্ছে।

=====

জিআর/ ২০০৫

দ্রষ্টব্য: এই নিবন্ধের ইংরেজি ভাষ্য ‘আমেরিকান সেন্টার’-এ পাওয়া যাবে। যদি আপনি ইংরেজি ভাষ্যটি পেতে আগ্রহী হন, তবে ‘আমেরিকান সেন্টার’ প্রেস সেকশনে (টেলিফোন: ৮৮১৩৮৮০-৮, ফ্যাক্স: ৯৮৮৬৬৮৮; ই-মেইল: DhakaPA@state.gov এবং Website: dhaka.usembassy.gov (New) এ যোগাযোগ করুন।